



Tusagassiorfinnut nalunaarut Pressemeddelelse

11-12-2012
Sags nr. 2012-078043
Dok. nr. 1088438

Kalaallit Nunaata nunat tamalaat akornanni silap pissusia pillugu isumaqatiginninniarnerni inissisimanagera nutaaq

Arfiningormat 8.12.2012-imi Doha-mi silap pissusia pillugu ataatsimeersuarnermi ullormik ataatsimik sinniilluni – aammalu sapaatit akunneranni sakkortuumik isumaqatiginninniartoqareerluni – qulequttap “*The Doha Climate Gateway*” ataani arlalinnik aalajangiisoqarpoq.

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail:
iaan@nanoq.gl
www.nanoq.gl

“Piffissaq kingullerppaaq atorlugu akuusut sammisat pingaarutillit pillugit isumaqatigiimmata naammagisimaarpara, kisiannili maluginiassallugu pingaaruteqarpoq, aalajangiinerit taakku taamaallaat ukiuni tulliuftuni anguniagaqarfiullutik iliuuseqarfiullutillu suliniuteqarfigineqarunik naleqalersinnaammata”, Naalakkersuisoq Jens B. Frederiksen isumaqatiginninniarnert naammassineranni angerlamut apuutereernermini oqarpoq.

Doha-mi aalajangersimasunik angusaqarfiusuni Kyotomi isumaqatigiissut 2020-p tungaanut sivitsorneqarpoq, kisiannili EU, Schweiz, Australien aamma Norge kisimik naatsorsuutigineqartutut 2013-imiit 2020-mut atuuttussamik annikillititsinissamat imminnut pisussaattippot. Danmarkip isumaqatigiissummut akuersissuteqarnerani Kalaallit Nunaat nunap immikkoortuatut pisussaatinneqarpoq, tassalu Kalaallit Nunaat qaffasissumik appaanissamat pisussaaffeqarnermit pituttorsimaneqassanngilaq.

”Nunat annertuumik aniatitsisut amerlanerusut akuuniarlutik nalunaaruteqarnissaat takorusunnerusimagaluarpara. Akerlianilli Danmark – gassinik silaannarmik kissakkiartortitsisunik annikillititsinissaq aammalu nunani ineriartortuni silap pissusianut aningaasaliinissaq eqqarsaatigalugu – anguniagaqartoq takullugu iluarisimaarnarpoq. Amerlavugut nunat suliffissuaqarfiusut arlalillit Danmarkip suliniuteqarnerata annertoqataaniq suliaqarnissaannik neriuteqarsimagaluartut,” Jens B. Frederiksen oqarpoq.

Kalaallit Nunaannut inissisimaffik nutaaq sulilluarfiusorlu

Peqataasut sulinissamat pilersaarut, 2020 aallarnerfigalugu sunniuteqartussatut 2015-imi peqataasut tamarmik silap pissusia pillugu nunarsuarmi isumaqatigiissuteqarnissaannut alloriarfiusussa q isumaqatigiissutigaat. Sulinissamat pilersaarummut atatillugu aalajangerneqarpoq, 2014-imi silap pissusia pillugu ataatsimeersuarnermi silap kissannerata agguaqatigiissillugu 2 gradit inorlugit annertussuseqarnissaa anguniarlugu nunat ataasiakkaat 2020 tikillugu iliuuserisinnaasaat aallunneqassappot.

Kiisalu COP 18 2012-imi aggustimi Danmarkip aamma Kalaallit Nunaata akornanni silap pissusia pillugu isumaqatigiissutit atsiorneqarnerata kingorna silap pissusia pillugu ataatsimeersuarnerit siullersaraat.

“Isumaqatiginninniarnernut isiginnaartuunnarunnaarpugut, Kalaallilli Nunaannut immikkut ittumik soqutigisaqarfiusunut issiaqataasalerpugut. Silap Pissusianut, Nukissiuuteqarnermut Illuuteqarnermullu Ministereqarfiup suleqatigilluarneqalernera

nuannaarutigisorujussuara, isumaqarpungalu taamatut suleqatigiinnitsigut ukiuni tulluuttuni silap pissusianut politikikkut angusaqarluarumaarluta. Suliat ingerlanneqarnerinut ilaalnitsigut aamma Kalaallit Nunaata nunarsuaq tamakkerlugu silap pissusia pillugu isumaqatigiissusiassamut ilaatinneqarnissaa ajornannginnerulissaaq. Isumaqatiginninniarnerni nutaamik sulilluarfiunerusumillu inissilluta suleqataasussanngorpugut,” Jens B. Frederiksen nassuiaavoq.

Uagut pilliutaanngilagut

Sisamanngornermi 6.12 Jens B. Frederiksen nunani issittuni ministereqatini peqatigalugit svenskittumi silap pissusiisa allannguutai pillugit saqqummersitsineranni orniganeqarluartumi oqalugiarpoq. Tassani ilaatigut kalaallit silap pissusiinit immikkut eqqugaasutut eqqarsaatigineqartarnerinut naqqiissuteqarpoq:

“Nunarsuarmi inuiaqatigiit silap pissusiisa allannguutaasa kikkunntu tamanut eqquinera pillugu ilisimasat tunngavigalugit iliuuseqarnissaannut piffissanngorpoq. Kalaallit Nunaanni silap pissusiisa allannguutai annertuumik malugaavut, sermersuarput aakkiartorluni immallu sikuusarnera annikillilluni, kisiannili uagut eqqugaanerput sakkortunerpaanngilaq, taamatullu uagut ukiorpassuarni nukissiuutinik annertuumik atuiffiusunik suliffissuaqarsimanngilagut. Silap allannguutai nunarsuarmit akisussaaffigaat, nunallu annikinnerusumik ineriartorfiusut malinnaasinnaassappata, nunat suliffissuaqarfiusut angisuut iliuuseqartariaqarput”, Jens B. Frederiksen oqariartuuteqarpoq.

Annertunerusumik paasisaqarusunnermi Ineqarnermut, Attaveqarnermut Angallanermullu Naalakkersuisoq Jens B. Frederiksen 58 76 06-imut attaveqarfigineqassaaq.